



Привремена заједничка комисија оба дома Парламентарне скупштине Босне и Херцеговине ради спровођења процедуре за именовање једног представника академске заједнице у Комисију за избор и праћење рада Агенције за превенцију корупције и координацију борбе против корупције

Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije

Privremeno zajedničko povjerenstvo obaju domova Parlamentarne skupštine Bosne i Hercegovine za provođenje procedure imenovanja jednog predstavnika akademske zajednice u Povjerenstvo za izbor i praćenje rada Agencije za prevenciju korupcije i koordinaciju borbe protiv korupcije

Broj: 01,02-50-16-104-2,5/24
Sarajevo, 1.2.2024.

Na osnovu članova 17., 17a. i 17b. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03) i Odluke o raspisivanju Javnog konkursa za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, broj: 01,02-50-16-104-2,4/24 od 1.2.2024. godine, Privremena zajednička komisija oba doma Parlamentarne skupštine BiH za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije **r a s p i s u j e**

JAVNI KONKURS

ZA PROVOĐENJE PROCEDURE ZA IMENOVANJE JEDNOG PREDSTAVNIKA AKADEMSKE ZAJEDNICE U KOMISIJU ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE

I. Javni konkurs raspisuje se za izbor **jednog člana** u Komisiju za izbor i praćenje rada Agencije za prevenciju korupcije i koordinaciju borbe protiv korupcije i to:

- predstavnik akademske zajednice – jedan (1) izvršilac.

II. Mandat:

Mandat predstavnika akademske zajednice traje četiri (4) godine od dana imenovanja u Parlamentarnoj skupštini Bosne i Hercegovine.

III. Status:

Članovi Komisije za izbor i praćenje rada Agencije za prevenciju korupcije i koordinaciju borbe protiv korupcije imaju prava i obaveze proistekle iz Ustava Bosne i Hercegovine, zakona i podzakonskih akata, a neće imati radnopravni status. Sredstva za rad i naknade za rad osiguravaju se u budžetu Parlamentarne skupštine Bosne i Hercegovine a visinu utvrđuje Zajednička komisija za administrativne poslove Parlamentarne skupštine Bosne i Hercegovine.

IV. Nadležnosti Komisije za izbor i praćenja rada Agencije za prevenciju korupcije i koordinaciju borbe protiv korupcije:

Prati rad Agencije za prevenciju korupcije i koordinaciju borbe protiv korupcije (dalje u tekstu-Agencije); pokreće postupak imenovanja direktora i zamjenika direktora Agencije u skladu sa Zakonom o Agenciji za prevenciju korupcije i koordinaciju borbe protiv korupcije; pokreće postupak razrješenja direktora i zamjenika direktora Agencije u skladu sa članom 15. Zakona o Agenciji za prevenciju korupcije i koordinaciju borbe protiv korupcije; razmatra izvještaje o radu Agencije najmanje dva puta godišnje ili po potrebi; razmatra izvještaje o reviziji finansijskog poslovanja Agencije; jedanput godišnje dostavlja Parlamentarnoj skupštini Bosne i Hercegovine izvještaj o svom radu.

V. Uslovi:

Kandidat, predstavnik akademske zajednice, u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine, te u skladu s odredbama Poslovnika o radu Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, mora ispunjavati opće i posebne uslove:

Opći uslovi:

- 1) da je stariji od 18 godina;
- 2) da je državljanin Bosne i Hercegovine;
- 3) da protiv njega nije pokrenut krivični postupak za krivično djelo za koje je predviđena kazna zatvora tri i više godina;
- 4) da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima u Bosni i Hercegovini;
- 5) da nije obuhvaćen odredbom člana IX. stav 1. Ustava Bosne i Hercegovine.

Posebni uslovi:

- 1) visoka stručna sprema;
- 2) jedno od akademsko naučno-nastavnih zvanja;
- 3) Broj izvršilaca: **jedan (1)**

VI. Ograničenja za imenovanje – sukob interesa:

Izabrani zvaničnici, nosioci izvršnih dužnosti, savjetnici i/ili drugi zvaničnici s javnim ovlaštenjima, koji imaju privatni interes, koji utiču ili mogu uticati na zakonitost, transparentnost, objektivnost i nepristrasnost u obavljanju javnih dužnosti, odnosno u kojima privatni interes šteti ili može štetiti javnom interesu su u sukobu interesa (član 3. Zakona o Agenciji za prevenciju korupcije i koordinaciju borbe protiv korupcije).

VII. Potrebni dokumenti:

Uz prijavu na javni konkurs kandidat je dužan priložiti:

- 1) svojeručno potpisanu biografiju (CV) sa izjavom o nacionalnom opredjeljenju, adresom, e-mail adresom i kontakt telefonom;
- 2) ovjerenu kopiju rješenja/odluke o izboru u akademsko naučno-nastavno zvanje i ovjerenu kopiju univerzitetske diplome stečene u Bosni i Hercegovini bilo kada ili u republikama bivše Jugoslavije zaključno sa 06.04.1992. godine, odnosno univerzitetske diplome sa rješenjem o nostrifikaciji diploma ukoliko su stečene u republikama bivše Jugoslavije poslije 06.04.1992. godine ili u drugim zemljama bilo kada da su diplome stečene, a kandidati koji su visoko obrazovanje stekli po Bolonjskom procesu uz ovjerene kopije univerzitetskih diploma trebaju dostaviti i ovjerene kopije dodatka univerzitetskih diploma;
- 3) uvjerenje o državljanstvu Bosne i Hercegovine, ne starije od šest mjeseci;
- 4) svojeručno potpisanu izjavu da nije obuhvaćen odredbom člana IX. stav 1. Ustava Bosne i Hercegovine (ovjerenu od nadležnog organa).

***Napomena za kandidate:**

Po završetku procedure imenovanja, kandidat koji bude imenovan na navedenu poziciju, treba da dostavi:

- **uvjerenje** kao dokaz da protiv njega nije pokrenut krivični postupak za krivično djelo za koje je predviđena kazna zatvora tri i više godina, izdato od nadležnog suda (ne starije od tri mjeseca);
- **uvjerenje** kao dokaz da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima Bosne i Hercegovine, izdato od nadležnog policijskog organa (ne starije od tri mjeseca);

***Dokumenti se dostavljaju u originalu ili ovjerenoj kopiji.** Dokumenti priloženi uz prijavu na javni konkurs neće biti vraćeni kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

VIII. Zabrana diskriminacije:

Nijedna prijava ne može biti izuzeta iz razmatranja isključivo po osnovi kandidatova spola, rase, boje kože, jezika, vjeroispovijesti, političkog ili drugog mišljenja, nacionalnog i socijalnog porijekla, veze s nekom nacionalnom manjinom, imovinskog statusa, rođenja ili drugog statusa.

IX. Postupak

- Privremena zajednička komisija će provesti postupak u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine;
- Nakon provedenog Javnog konkursa, kandidati koji budu ispunjavali uslove Javnog konkursa bit će pozvani na intervju. O vremenu i mjestu će biti blagovremeno obaviješteni. Cilj intervjua

je da se utvrdi stručnost i osposobljenost kandidata za obavljanje poslova te krajnja i ukupna ocjena kandidata;

- Kandidat je obavezan otkriti bilo koju činjenicu koja bi mogla dovesti do sukoba interesa u slučaju njegovog imenovanja;
- U skladu sa članom 17b. Zakona o Agenciji za prevenciju korupcije i koordinaciju borbe protiv korupcije Privremena zajednička komisija će, nakon intervjua, prijedlog rang-liste dostaviti Predstavničkom domu i Domu naroda Parlamentarne skupštine Bosne i Hercegovine.

* **Dodatna napomena:** Lice koje bude imenovano na navedenu poziciju podliježe postupku sigurnosne provjere u skladu sa članom 3. stav (1) tačka c) Odluke o listi dužnosti koje obavljaju imenovana lica za koje je potrebno provesti sigurnosnu provjeru, broj: 01,02-05-4-1459/15 od 29.12.2015. godine a na osnovu člana 35. stav (2) Zakona o zaštiti tajnih podataka („Službeni glasnik BiH“, br. 54/05 i 12/09).

X. Način i rok za podnošenje prijave:

- Javni konkurs objavljuje se u „Službeni glasnik BiH“, „Službeni glasnik Brčko Distrikta BiH“ i na web stranici Parlamentarne skupštine Bosne i Hercegovine www.parlament.ba (Sekretarijat/oglasni/Konkursi/Interno), te obavještenje o javnom konkursu u dnevnim listovima „Glas Srpske“, „Večernji list“ i „Oslobođenje“.
- Javni konkurs ostaje otvoren 15 dana od dana objavljivanja u „Službeni glasnik BiH“.
- Prijave sa traženim dokumentima dostaviti poštom preporučeno, uz upozorenje „**ne otvarati**“, na adresu:

**Parlamentarna skupština Bosne i Hercegovine
Privremena zajednička komisija oba doma Parlamentarne skupštine Bosne i Hercegovine
za provođenje procedure za imenovanje jednog predstavnika akademske zajednice u
Komisiju za izbor i praćenje rada Agencije za prevenciju korupcije i koordinaciju borbe
protiv korupcije**

**„JAVNI KONKURS za provođenje procedure za imenovanje jednog predstavnika
akademske zajednice u Komisiju za izbor i praćenje rada Agencije za prevenciju korupcije
i koordinaciju borbe protiv korupcije“ – NE OTVARATI**

71000 Sarajevo, Trg BiH br.1

*** Napomene za sve kandidate:**

Nepotpune, neblagovremene i neuredne prijave, prijave kandidata koji ne ispunjavaju uslove ovog konkursa, kao i kopije traženih dokumenata koje nisu ovjerene od nadležnog organa, neće biti razmatrane.